

UMS anjur Persidangan Pediatrik dan Pembedahan Pediatrik

UB 8-5-2014 A6

KOTA KINABALU: Bersempena dengan ulangtahun ke-20, Universiti Malaysia Sabah (UMS) dengan kerjasama Hospital Wanita dan Kanak-kanak Sabah akan menganjurkan Persidangan Pediatrik dan Pembedahan Pediatrik Kali Pertama.

Persidangan itu yang menyasarkan kumpulan golongan profesional dalam bidang kesihatan akan diadakan di Sekolah Perubatan UMS bermula 9 hingga 10 Mei ini.

Jawatankuasa penganjur yang diketuai oleh Ketua Jabatan Pembedahan Pediatrik (SWACH) Dr Shunmugam Rajah dan Pensyarah Kardiologi Pediatrik UMS Prof Prof Dr Asmiati Abd Hamid, telah menarik penyertaan penceramah-penceramah termasuk pakar bedah

pediatrik terkenal dari Persatuan Doktor Pediatrik Australia dan New Zealand.

Penceramah dari Brunei, SWACH dan UMS turut akan berkongsi pengalaman yang tidak ternilai. Persidangan dua hari itu akan tampil dengan topik-topik antaranya isu perlindungan kanak-kanak, kardiologi pediatrik, dan kemajuan dalam pengurusan asas pembedahan pediatrik.

Persidangan berkaitan perubatan dan pembedahan pediatrik yang julung kalinya diadakan di Sabah itu mendapat sambutan yang amat menggalakkan, dengan lebih daripada 400 peserta dari seluruh negara sudah mendaftar.

Untuk maklumat lanjut, sila hubungi Dr Zaim Hazim (SWACH) di 016-211 8811 atau Nurul Izza Md Nordin (UMS) di 013-850 0362.